

Headline	Penganggur didakwa tipu pensyarah		
MediaTitle	Utusan Malaysia		
Date	05 Feb 2014	Color	Black/white
Section	Dlm Negeri	Circulation	173,387
Page No	21	Readership	699,000
Language	Malay	ArticleSize	70 cm ²
Journalist	N/A	AdValue	RM 912
Frequency	Daily	PR Value	RM 2,736



Penganggur didakwa tipu pensyarah

KUCHING 4 Feb. - Seorang penganggur mengaku tidak bersalah di Mahkamah Majistret di sini hari ini atas tujuh pertuduhan menipu seorang pensyarah membatikan pelaburan bernilai RM46,500 bagi projek perumahan pekerja Tabung Haji di Geding Phase 1, Serian dekat sini, dua tahun lalu.

Mohammad Muhsinnuddin Khaidzir, 35, didakwa telah memperdaya Awang Yusop Awang Adom, 61, untuk menyerahkan tujuh keping cek bernilai RM46,500 pada masa dan tarikh berbeza untuk melabur dalam projek perumahan yang tidak wujud itu.

Perbuatan itu didakwa dilakukan oleh bapa kepada tiga anak itu antara pukul 10 pagi, 11 Julai 2012 dan pukul 10.45 pagi, 19 September 2012 di hadapan Maybank Cawangan Batu 3, di sini.

Bagi kesemua pertuduhan, dia didakwa mengikut Seksyen 420 Kanun Keseksian yang memperuntukkan hukuman penjara sehingga 10 tahun dan sebatan serta denda.

Tiga daripada pertuduhan itu dikemukakan ke atas tertuduh oleh Pegawai Pendakwa, Inspektor Yunus Sahak di hadapan Majistret Zulhairil Sulaiman.

Pegawai Pendakwa, Inspektor Ahmad Ilias pula mengendalikan empat lagi pertuduhan terhadap tertuduh di hadapan Majistret Shafiza Abdul Razak Tready.